0.0.1 migasālā suttam

- 1. ekam samayam bhagavā sāvatthiyam viharati jetavane anāthapindikassa ārāme. atha kho āyasmā ānando pubbanhasamayam nivāsetvā pattacīvaramādāya yena migasālāya upāsikāya nivesanam tenupasankami. upasankamitvā paññatte āsane nisīdi. atha kho migasālā upāsikā yenāyasmā ānando tenupasankami. upasankamitvā āyasmantam ānandam abhivādetvā ekamantam nisīdi. ekamantam nisinnā kho migasālā upāsikā āyasmantam ānandam etadavoca:
- 2. katham katham nāmāyam bhante ānanda bhagavatā dhammo desito aññeyyo, yatra hi nāma brahmacārī ca abrahmacārī ca ubho samasamagatikā bhavissanti abhisamparāyam? pitā me bhante purāno brahmacārī ahosi ārācārī virato methunā gāmadhammā. so kālakato bhagavatā vyākato sakadāgāmī satto tusitam kāyam uppanno'ti. pettā pi yo me bhante isidatto abrahmacārī ahosi sadārasantuṭṭho. sopi kālakato bhagavatā byākato sakadāgāmī satto tusitam kāyam upapanno'ti.
- 3. katham katham nāmāyam bhante ānanda bhagavatā dhammo desito aññeyyo, yatra hi nāma brahmacārī ca abrahmacārī ca ubhosamasamagatikā bhavissanti abhisamparāya'nti. evam kho panetam bhagini bhagavatā byākata'nti.

pts page 138

bjt page 248

- 4. atha kho āyasmā ānando migasālāya upāsikāya nivesane piṇḍapātaṃ gahetvā uṭṭhāyāsanā pakkāmi. atha kho āyasmā ānando pacchābhattaṃ piṇḍapātapaṭikkanto yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā ānando bhagavantaṃ etadavoca:
- 5. idhāham bhante pubbanhasamayam nivāsetvā pattacīvaramādāya yena migasālāya upāsikāya nivesanam tenupasankami. upasankamitvā paññatte āsane nisīdim. atha kho bhante migasālā upāsikā yenāham tenupasankami. upasankamitvā mam abhivādetvā ekamantam nisīdi. ekamantam nisinnā kho bhante migasālā upāsikā mam etadavoca:
- 6. katham katham nāmāyam bhante ānanda bhagavatā dhammo desito aññeyyo, yatra hi nāma brahmacārī ca abrahmacārī ca ubho samasamagatikā bhavissanti abhisamparāyam? pitā me bhante purāno brahmacārī ahosi ārācārī virato methunā gāmadhammā. so kālakato bhagavatā byākato sakadāgāmī satto tusitam kāyam upapanno'ti. pettāpi yo me bhante isidatto abrahmacārī ahosi sadārasantuṭṭho. so'pi kālakato bhagavatā byākato sakadāgāmī satto tusitam kāyam upapanno'ti.

- 7. katham katham nāmāyam bhante ānanda bhagavatā dhammo desito aññeyyo, yatra hi nāma brahmacārī ca abrahmacārī ca ubho samasamagatikā bhavissanti abhisamparāya'nti, evam vutte aham bhante migasālam upāsikam etadavocam: evam kho panetam bhagini bhagavatā byākata'nti.
- 8. kā cānanda migasālā upāsikā bālā abyattā ambakā ambakapaññā¹? ke ca purisapuggalaparopariyañāņo?
- **9.** dasayime ānanda puggalo santo saṃvijjamānā lokasmi. katame dasa:
- 10. 1. idhānanda ekacco puggalo dussīlo hoti, tañca cetovimuttim pañnāvimuttim yathābhūtam nappajānāti, yatthassa tam dussīlyam aparisesam nirujjhati, tassa savaņena pi akatam hoti, bāhusaccena pi akatam hoti diṭṭhiyā pi appaṭividdham hoti, sāmayikampi² vimuttim na labhati, so kāyassabhedā parammaraṇā hānāya pareti no visesāya, hānagāmī yeva hoti no visesagāmī.
- 11. 2. idha panānanda ekacco puggalo dussīlo hoti, tañca cetovimuttim paññāvimuttim yathābhūtam pajānāti, yatthassa tam dussīlyam aparisesam nirujjhati, tassa savanena, pi katam hoti, bāhusaccena, pi katam

¹amamakā amamakapaṭṭā-machasaṃ, andhakā andhakapaṭṭā-syā.

²sāmāyikamapi sīmu. machasam.

bjt page 250

hoti diṭṭhiyā, pi paṭividdhaṃ hoti, sāmayikampi vimuttiṃ labhati, so kāyassabhedā parammaraṇā visesāya pareti, no hānāya, visesagāmī yeva hoti, no hānagāmī.

- 12. tatrānanda pamāṇikā pamiṇanti 'imassā'pi teva dhammā, aparassā'pi teva dhammā. kasmā tesaṃ eko hīno, eko paṇīto'ti. taṃ hi tesaṃ ānanda hoti dīgharattaṃ ahitāya dukkhāya.
- 13. tatrānanda yvāyam puggalo dussīlo hoti. tañca cetovimuttim paññāvimuttim yathābhūtam pajānāti. yathassa tam dussīlyam aparisesam nirujjhati. tassa savaņena'pi katam hoti, bāhusaccena'pi katam hoti, diţthiyā'pi paţividdham hoti. sāmayikampi vimuttim labhati, ayam ānanda puggalo amunā purimena puggalena abhikkantataro ca paṇītataro ca. tam kissa hetu: imam hi ānanda puggalam dhammasoto nibbaha³ ti. tadantaram⁴ ko jāneyya aññatra tathāgatena. tasmātihānanda mā puggalesu pamāṇikā ahuvattha, mā puggalesu pamāṇam gaṇhittha, khaññatihānanda puggalo puggalesu pamāṇam gaṇhanto, aham cānanda⁵ puggalesu pamāṇam gaṇheyyam, yo vāpanassa mādiso.
- **14.** 3. idha panānanda ekacco puggalo sīlavā hoti, tañca cetovimuttim paññāvimuttim yathābhūtam nap-

pts page 140

³nibbāhati bahusu.

⁴tadanantaraṃ syā.

⁵ahañcānanda sīmu. syā.

pts page 141

pajānāti, yatthassa tam sīlam aparisesam nirujjhati, tassa savaņena pi akatam hoti, bāhusaccena pi akatam hoti, diṭṭhiyā pi appaṭividdham hoti, sāmayikampi vimuttim na labhati, so kāyassabhedā parammaraṇā hānāya pareti, no visesam hānagāmī yeva hoti, no visesagāmī.

- 15. 4. idha panānanda ekacco puggalo sīlavā hoti, tañca cetovimuttim paññāvimuttim yathābhūtam pajānāti, yatthassa tam sīlam aparisesam nirujjhati, tassa savaņena pi katam hoti, bāhusaccena pi katam hoti, diţthiyā pi paţividdham hoti, sāmayikampi vimuttim labhati, so kāyassabhedā parammaraṇā visesāya pareti, no hānāya. visesagāmīyeva hoti, no hānagāmī.
- **16.** tatrānanda pamāṇikā pamiṇanti 'imassā'pi teva dhammā, aparassā'pi teva dhammā. kasmā tesaṃ eko hīno, eko paṇīto'ti. taṃ hi tesaṃ ānanda hoti dīgharattam ahitāya dukkhāya.
- 17. tatrānanda yvāyam puggalo sīlavā hoti. tañca cetovimuttim paññāvimuttim yathābhūtam pajānāti. yathassa tam sīlam aparisesam nirujjhati. tassa savaņena'pi katam hoti, bāhusaccena'pi katam hoti, diţthiyā'pi paṭividdham hoti. sāmayikampi vimuttim labhati, ayam ānanda puggalo amunā purimena puggalena abhikkantataro ca paṇītataro ca. tam kissa hetu:

bit page 252

imaṃ hi ānanda puggalaṃ dhammasoto nibbaha'ti. tadantaraṃ ko jāneyya aññatra tathāgatena. tasmātihānanda mā puggalesu pamāṇikā ahuvattha, mā puggalesu pamāṇaṃ gaṇhittha, khaññatihānanda puggalo puggalesu pamāṇaṃ gaṇhanto, ahaṃ cānanda puggalesu pamāṇaṃ gaṇheyyaṃ, yo vā panassa mādiso.

- 18. 5. idha panānanda ekacco puggalo tibbarāgo hoti, tañca cetovimuttim paññāvimuttim yathābhūtam nappajānāti, yatthassa so rāgo apariseso nirujjhati, tassa savaņena'pi akatam hoti, bāhusaccena pi akatam hoti, diṭṭhiyā'pi appaṭividdham hoti, sāmayikampi vimuttim na labhati, so kāyassabhedā parammaraṇā hānāya pareti, no visesam. hānagāmī yeva hoti, no visesagāmī.
- 19. 6. idha panānanda ekacco puggalo tibbarāgo hoti, tañca cetovimuttim paññāvimuttim yathābhūtam pajānāti, yatthassa so rāgo apariseso nirujjhati. tassa savaņena'pi katam hoti, bāhusaccena'pi katam hoti, diţthiyā'pi paṭividdham hoti, sāmayikampi vimuttim labhati. so kāyassa bhedā parammaraṇā visesāya pareti no hānāya, visesagāmīyeva hoti no hānagāmī.
- **20.** tatrānanda pamāṇikā pamiṇanti 'imassā'pi teva dhammā, aparassā'pi teva dhammā. kasmā tesaṃ eko hīno, eko paṇīto'ti. taṃ hi tesaṃ ānanda hoti dīgharattaṃ ahitāya dukkhāya.

- 21. tatrānanda yvāyam puggalo tibbarāgo hoti. tañca cetovimuttim paññāvimuttim yathābhūtam pajānāti. yathassa tam rāgo aparisesam nirujjhati. tassa savaņena'pi katam hoti, bāhusaccena'pi katam hoti, diṭṭhiyā'pi paṭividdham hoti. sāmayikampi vimuttim labhati, ayam ānanda puggalo amunā purimena puggalena abhikkantataro ca paṇītataro ca. tam kissa hetu: imam hi ānanda puggalam dhammasoto nibbaha'ti. tadantaram ko jāneyya aññatra tathāgatena. tasmātihānanda mā puggalesu pamāṇikā ahuvattha, mā puggalesu pamāṇam gaṇhittha, khaññatihānanda puggalesu pamāṇam gaṇhanto, aham cānanda puggalesu pamāṇam gaṇheyyam, yo vā panassa mādiso.
- 22. 7. idha panānanda ekacco puggalo kodhano hoti, tañca cetovimuttim paññāvimuttim yathābhūtam nappajānāti. yatthassa so kodho apariseso nirujjhati, tassa savaņena'pi akatam hoti, bāhusaccena'pi akatam hoti, diṭṭhiyā'pi appaṭividdham hoti, sāmayikampi vimuttim na labhati. so kāyassa bhedā parammaraṇā hānāya pareti no visesāya, hānagāmīyeva hoti no visesagāmī.
- 23. 8. idha panānanda ekacco puggalo kodhano hoti, tañca cetovimuttim paññāvimuttim yathābhūtam pajānāti. yatthassa so kodho apariseso nirujjhati, tassa savaņena'pi katam hoti, bāhusaccena'pi katam hoti, diţthiyā'pi paṭividdham hoti, sāmayikampi vimuttim labhati. so kāyassa bhedā parammaraṇā visesāya pa-

bit page 254

reti no hānāya, visesagāmīyeva hoti no hānagāmī.

- **24.** tatrānanda pamāṇikā pamiṇanti 'imassā'pi teva dhammā, aparassā'pi teva dhammā. kasmā tesaṃ eko hīno, eko paṇīto'ti. taṃ hi tesaṃ ānanda hoti dīgharattaṃ ahitāya dukkhāya.
- 25. tatrānanda yvāyam puggalo kodhano hoti. tañca cetovimuttim paññāvimuttim yathābhūtam pajānāti. yathassa tam kodho aparisesam nirujjhati. tassa savaņena'pi katam hoti, bāhusaccena'pi katam hoti, diţthiyā'pi paṭividdham hoti. sāmayikampi vimuttim labhati, ayam ānanda puggalo amunā purimena puggalena abhikkantataro ca paṇītataro ca. tam kissa hetu: imam hi ānanda puggalam dhammasoto nibbaha'ti. tadantaram ko jāneyya aññatra tathāgatena. tasmātihānanda mā puggalesu pamāṇikā ahuvattha, mā puggalesu pamāṇam gaṇhittha, khaññatihānanda puggalesu pamāṇam gaṇhanto, aham cānanda puggalesu pamāṇam gaṇheyyam, yo vā panassa mādiso.
- 26. 9. idha panānanda ekacco puggalo uddhato hoti, tañca cetovimuttim paññāvimuttim yathābhūtam nappajānāti. yatthassa tam uddhaccam aparisesam nirujjhati, tassa savaņena'pi akatam hoti, bāhusaccena'pi akatam hoti, diṭṭhiyā'pi appaṭividdham hoti, sāmayikampi vimuttim na labhati. so kāyassa bhedā parammaraṇā hānāya pareti no visesāya, hānagāmīyeva hoti no visesagāmī.

- 27. 10. idha panānanda ekacco puggalo uddhato hoti, tañca cetovimuttim paññāvimuttim yathābhūtam pajānāti. yatthassa tam uddhaccam aparisesam nirujjhati, tassa savaņena'pi katam hoti, bāhusaccena'pi katam hoti, diṭṭhiyā'pi paṭividdham hoti, sāmayikampi vimuttim labhati. so kāyassa bhedā parammaraṇā visesāya pareti no hānāya. visesagāmīyeva hoti no hānagāmī.
- 28. tatrānanda pamāṇikā pamiṇanti ''imassa'pi teva dhammā, aparassa'pi teva dhammā. kasmā nesaṃ eko hīno eko paṇīto''ti. taṃ hi tesaṃ ānanda hoti dīgharattaṃ ahitāya dukkhāya.
- 29. tatrānanda yvāyam puggalo uddhato hoti, tañca cetovimuttim paññāvimuttim yathābhūtam pajānāti. yatthassa tam uddhaccam aparisesam nirujjhati. tassa savaņena'pi katam hoti, bāhusaccena'pi katam hoti, diṭṭhiyā'pi paṭividdham hoti, sāmayikampi vimuttim labhati.
- **30.** ayam ānanda puggalo amunā purimena puggalena abhikkantataro ca paṇītataro ca. taṃ kissa hetu: imaṃ hetaṃ ānanda puggalaṃ dhammasoto nibbahati. tadantaraṃ⁶ ko jāneyya aññatra tathāgatena. tasmā tihānanda mā puggalesu pamāṇikā ahuvattha, mā pug-

pts page 143

bjt page 256

 $^{^6}$ sāmayikamapi, machasam.

galesu pamāṇaṃ gaṇhittha. khaññatihānanda puggalesu pamāṇaṃ gaṇhanto. ahaṃ vā ānanda puggalesu pamāṇaṃ gaṇheyyaṃ, yo vā panassa mādiso.

- 31. kā cānanda migasālā upāsikā bālā abyattā ambakā ambakapaññā, ke ca purisapuggalaparopariye ñāṇe. ime kho ānanda dasapuggalā santo saṃvijjamānā lokasmi.
- 32. yathārūpena ānanda sīlena purāņo samannāgato ahosi, tathārūpena sīlena isidatto samannāgato abhavissa, nayidha purāņo isidattassa gatimpi aññassa. yathārūpāya ca ānanda paññāya isidatto samannāgato ahosi, yathārūpāya paññāya purāņo samannāgate abhavissa, nayidha isidatto purāṇassa gatimpi aññassa. iti kho ānanda ime puggalā ubho ekaṅgahīnāti.